



UNIVERSITY OF CHICAGO
4009 CHICAGO UNIVERSITY DRIVE
CHICAGO, ILLINOIS 60607

集說註真續編

yan?

shut o

to, un,

tehan'

tsouk 4

pin'

光緒庚辰年鑄

江南主教倪



准

司鐸

黃伯祿斐默氏 輯
蔣超凡邢胙氏 校

光緒乙酉年重校


上海慈母堂藏版

序

六合之大。兆民之眾。必有主宰其閒者。盡人而知也。禱之祀之。而能邀福免禍者。又盡人所知也。但人情多詐而易愚。黠者巧於矯誣。愿者輕於致信。於是好事之徒。捏造偽神。遂致無知者奉爲真主。真偽混淆。良可深慨。歲丁丑。曾廣羅前人說略。得俗奉諸神原委。凡數十則。彙爲一編。兩載以來。涉獵羣籍。又得若干則。輯爲續編。俾閱是書者。洞徹偽神之不能禍福。幡悔生平之誤行禱禳。黠者旣矯無可矯。愿者乃信。

所當信。塵蒙頓闕。真諦日明。而人心風俗。藉以挽回。
是則區區之志焉爾。

光緒六年歲次庚辰二月上浣司鐸黃伯祿斐默氏
序於申江徐匯之書齋



目錄

岳鄂王 武穆王 見一張

施相公 見四張

忠佑武烈大帝 陳司徒 見六張

五司徒 見十張

都天神 見十一張

蔣相公 見十三張

溫元帥 見十四張

五代元帥 雷海青 見十六張

藥王

見十九張

瘟神

見二十三張

羅神

眼目司

明目侯

見二十六張

黃道婆

見二十七張

陳夫人

見二十九張

柏姬

白鷄

見三十二張

七姑子

見三十四張

糊塗

見三十五張

總管

利濟侯

見三十六張

戚公子

見三十八張

蛇王

見三十九張

青蛙神

見四十二張

石敢當

見四十六張

掃晴娘

見四十八張

牀神

見四十九張

蕭王

見五十張

聖姑

見五十二張





集說詮真續編

司鐸

黃伯祿斐默氏 輯

蔣超凡邢胙氏 校

岳鄂王 武穆王

〔引〕宋史載岳飛字鵬舉湯陰

縣屬河南彰德府

人。生時有大

禽若鵠飛鳴室上。因以爲名。家貧力學。好左氏春秋。

〔孫〕吳兵法。膂力絕倫。未冠挽弓三百斤。徽宗宣和四

年。屢應募從戎。時寇盜蜂起。飛剿撫兼施。高宗紹興

三年。

〔州〕虔州

卽江西贛州府贛縣

劇盜寇掠鄰郡。飛平之。帝令

屠虔城。飛請誅首惡。赦脅從。不許。再四請。帝乃曲赦。人感其德。繪像祠之。時又金人南侵。飛能以寡擊眾。所向無敵。論功第一。封武昌郡開國公。金人喪膽。遣使割地請和。飛以全復疆土爲心。乘勝前進。而大學士秦檜罔上弄權。力主和議。乞令飛速班師。一日遞發十二金字牌。促令還朝。民見飛去。遮馬慟哭。飛亦悲泣。取詔示之曰。吾不得擅留。哭聲震野。飛歸。所得州縣。旋復失之。金將兀朮遺檜書曰。必殺飛。始可和。檜亦以飛不死。終梗和議。已必及禍。故力謀殺之。以

諫議大夫万俟卨與飛有怨。風劾飛。又風中丞何鑄。侍御史羅汝楫。交章彈論。大率謂金人攻淮西。飛按兵不援。檜遣使捕飛父子。養子名雲送大理寺。命御史

中丞何鑄。大理卿周三畏。鞫之。樞密使張俊。又誣飛。舊將張憲謀反。飛裂裳示背。有盡忠報國四字。深入膚理。既而訊無左証。鑄明其無辜。飛坐繫久之。獄不成。卨又誣飛嘗自言已與太祖皆三十歲建節。猶謂

宋太祖三十歲建節。後登帝位。今飛儼然以太祖自命。可見其隱有叛志。蓋依稀牽合。以周內其罪也。

檜手書小紙付獄。卽報飛死。時年三十九。子雲及張

憲均棄市。籍家貲。徙家嶺南。

廣

天下寃之。

按通鑑綱目高宗紹

興十一年。十一月。秦檜殺故少保武昌公岳飛。

及孝宗卽位。故部曲合辭

訟飛寃。帝乃詔復官爵。以禮改葬。求其後。悉官之。建

廟於鄂。

湖北武昌府

號忠烈。淳熙

孝宗

六年。卽謚武穆。嘉定

寧四年。岷追封鄂王。

按明一統志岳飛墓在浙江杭州府西湖上之棲霞嶺下。○西

湖便覽記岳墳鐵像。明武宗正德八年。神都指揮李隆鑄銅爲之。乃秦檜。其妻王氏。万俟卨三像。反接跪墓前。久被遊人撻碎。神宗萬曆中。卽按察副使范洙更鑄以鐵。而添張俊一像。

辨

按綱目廣義曰。武穆不能處權變也。權者經之

所自出。經而非權。則子莫之中矣。故曰。權而得中。

是乃禮也。設當時奉詔後，卽遣騎馳奏曰：臣以滅賊之功，成在旦夕，不敢奉旨。容臣盡獻金俘，以復大讐。願伏矯詔之罪，身潤鼎鑊，無悔如此。則蓋世之功，武穆收之，何至父子同死奸賊之手哉？是岳飛以君命爲重，不敢擅留，而後世識者猶譏其未能達權。第考其捍禦金人，屢戰屢捷，背刻盡忠報國，以示血誠。見上二張飛爲忠臣勇將，固絕無而僅有者。然亦不過在生精忠，盡其臣職而已。今日西湖墓所及各處岳廟中，士女如雲，紛紛膜拜，不知已

死之飛斷無禍福之權。禱之者何弗思之甚耶。



施相公

〔引〕松江府志載施相公相傳宋將軍施全。又云施諤。按〔至元嘉禾志〕施府君宋人名伯成。九歲爲神。景定五年。宋理宗敕封靈顯侯。明敕封護國鎮海侯。所在立廟。甚著靈應。

〔清嘉錄〕曰。案華亭縣志載施相公諱鏗。宋時諸生。山閒拾一小卵。後得一蛇。漸長。遷入筒。一日施赴省試。蛇私出乘涼。眾見金甲神在。施寓驚呼。有怪持鋒刃來攻。無以敵。聞於大僚。統兵殛之。亦不敵。施出闈。知

之曰。此吾蛇也。毋患。叱之。奄然縮小。俯而入筒。大僚驚曰。如是。則何不可爲。奏聞。施立斬蛇。怒爲施索。命傷人數十。莫能治。不得已。請封施爲護國鎮海侯。侯嗜饅首。造巨饅祀之。蛇蜿蜒其上以死。至今祀者。盤蛇象於饅首。俗呼盤龍饅頭稱侯曰相公云。

辨按施鏢養蛇。因幻變驚人。累施伏誅。蛇乃爲之

報復。且鋒刃不能加。大兵不能敵。見上本張此種誕妄。

不辨可知。惟俗以盤龍饅首祀施。而稱之曰相公。

其果敬施耶。抑敬蛇耶。如謂敬施。則施豢蛇肇禍。

孽由自作。有何足敬。如謂敬蛇。則蛇毒螫傷人。眾
所痛恨。更何足敬。今乃以饅首祀施。肖以蛇像。誠
令人所不解已。





忠佑武烈大帝

〔引〕重增搜神記載武烈大帝。姓陳名杲仁。字世威。常

州晉陵

卽江蘇常州府武進縣

人。生於梁武帝太清三年。卅三

月望日。八歲能屬文。陳文帝天康元年。卅舉進士。授

監察御史。遷江西道巡察大使。陳後主失政。遜於隋

卅遂上印綬歸隱不仕。隋高祖卅累詔不起。煬帝詔

令討盜。始奉命而起。大業九年。卅平江寧樂伯通叛

徒十萬。恭帝卅卽位。奉詔平樓世幹賊眾二十萬。召

入拜大司徒。公之妻父沈法興起兵吳興。卅

浙江湖州府

謀

據常郡招公附已公不可。唐高祖武德二年。卽法興
詐稱疾敗走。告於公。不得已。往問疾。飲酒中毒。馳歸。
自知不可爲。囑凜禪師以居第爲精舍。東第爲崇任
觀。言訖而卒。年七十有二。法興聞之。欲謀得志。一日
黑雲蔽空。風雨晦冥。公見形發神。矢射斃。法興。唐封
忠烈公。梁嘏封福順武烈王。後周暉加帝號。

陔餘叢考曰。常州有忠佑廟。祀司徒陳杲仁。相傳南

唐南唐主李景暉封爲武烈帝。故今俗以帝號稱之。而郡人

劉宗浩輯爲實錄一書。謂公本晉陵人。在隋立功。授

司徒沈法興其婦翁也。大業末隋楊法興欲襲常州。

懼公不敢動。乃詐以疾告公。不得已往問疾。飲中毒。

歸而卒。後法興方剽掠。公現形黑雲中發神矢斃之。

唐初詔爲立祠乾符唐僖中封忠烈公。開平梁太中。

封福順王。淮南楊氏淮南王楊渥後改號曰吳。封忠烈王。南唐

時錢俶遣將來攻。公以陰兵驅黑牛觸敵艦。敗去。按

史舊五代史俶係吳越王錢鏐之孫。五代漢高祖乾

祐元年。黜立爲吳越王。周世宗顯德三年。卽南唐主

李景保大十四年。旣俶遣
偏將吳程圍常州。敗衄歸。乃冊爲武烈帝。宋又賜廟
號曰忠佑。此司徒祠於常之始末也。按舊唐書沈法

集說詮真續編忠佑武烈大帝七

興爲吳郡守。煬帝

隋主

使與太僕丞元祐討賊樓世

幹。會煬帝岷被弒。乃與祐將孫士漢陳杲仁執祐起

兵。又令杲仁破賊樂伯通。法興自署江南道總管。聞

越王侗

隋恭帝

卽位。乃上表自稱大司馬錄尚書事。承

制置百官。以杲仁爲司徒。是杲仁本隋將。與法興通

謀。害其主帥。而司徒之官。又法興所授也。新唐書并

不言承制。但云法興以杲仁爲司徒。則其爲法興黨。

更不待言矣。然常之人所以崇祀者。實以自唐及五

代。宋以來。歷著靈異。故累請褒封。至帝號。今常州雲

車之製甲天下。相傳像公空中破敵時神兵也。豈失節於前。而獨能反正於身後耶。抑郡人所傳公爲法興所害者。本是實事。而新舊唐書所記。不無訛謬耶。史冊所載。往往有與傳聞互異者。未必傳聞皆僞。而史冊真也。

辨按搜神記稱陳杲仁被沈法興毒斃後。現形雲

霧中。射死法興。

見上六張

但唐書沈法興傳曰。法興浙

江湖州府武康縣人。隋煬帝大業末。卽爲吳興郡守。恭帝侑義寧二年。卽聚眾六萬。據江表十餘州。

自署江南道總管恭帝侗。法興上表稱大司馬錄尚書事後。聞侗被廢。唐高祖武德二年。侗自稱梁王。建元延康。法興專事威戮。由是將士攜解。武德三年。侗法興爲流寇。李子通所敗。自沉於江。而歿。據此。則法興之死。於陳無與。而俗傳杲仁現形發矢諸妄談。已昭然可見矣。

按劉宗浩所輯實錄。謂陳杲仁以不附法興故。致被毒斃。而舊唐書乃謂杲仁與法興通謀。害其主。

帥。見上七張所載兩歧。莫衷一是。然使杲仁當仕隋時。

果能忠貞自矢。以拒賊慘死。亦僅屬隋之忠良而已。至謂其死後能驅陰兵觸敵艦。語殊不倫。其爲好事者緣飾無疑。凡書籍所載事蹟。閱者欲決真僞。務必衡之以理。不可膠滯成見。偏信一書。所謂盡信書。則不如無書也。



五司徒

〔引〕重增搜神記載揚州府屬江蘇顯英司徒茅許况蔣吳

五姓血食是邦久矣。五神向居揚州。結爲兄弟。好田獵。其地舊多狼虎。人數罹害。五神於山溪畔。遇一老婦。詢知子然無親。飢食溪泉。乃請於所居之廬。拜呼爲母。侍養未久。偶出獵歸。不見其母。五神曰。必被虎噉。俱奮逐山麓間。忽見虎近前。伏地就降。由此虎患始息。後人思其德義。立廟祀之。隋煬帝時。卬護駕有功。封號司徒。唐卬加侯號。宋紹定理宗中。賜廟額曰

英顯。有禱於神者。遇旱暵則飛雨。憂霖潦則吐日。福國佑民。迭著靈顯。尋加封王號。

〔辨〕按五司徒爲何代人氏。未見考證。想亦當時之強有力者耳。攘臂搏虎。固爲地方除害。然果操何術。能令虎伏地就降。見上本張此爲後人添砌無疑。且

水旱偏災。謂禱之可免。試問爲是說者。果能確舉左證耶。

都天神

〔引〕印雪軒隨筆曰。賽神之盛。莫過於鎮江。江府屬之都

天會。考神爲唐睢陽公。鎮江人奉之極虔。此會又藉以逐疫云。

〔趙〕甌北詩鈔有觀都天會詩云。神會蓋始鄉人儼。黃金四目揚瑀戈。流俗相沿遂成習。附會神鬼訛傳訛。

潤州江鎮城東都天會。年年四月大報賽。七香亭導八

擗輿。彩仗前驅一對對。金童玉女乘雲輶。夾以饒簫溢闐闐。刀矛浴鐵皆如銀。旗幟繡絲不用繪。列隊計

長十里餘。糜財不在萬金內。但求角勝。肯惜費。富者

破慳貧者貸。不知是何神。擅此大富貴。或言唐張巡。

睢陽

卽河南歸德府

百戰捍賊塵。保障功在江淮民。或言一

儒巾。夜遇疫鬼散毒氛。獨以一人活萬人。究竟未識何者是。徒令世眼滋擬議。我思天下祠廟多。原可不必一一考姓字。云云

唐書載張巡南陽

縣屬河南南陽府

人。博通羣書。曉戰陣法。

開元末。

唐玄宗

擢進士第。安祿山反。巡起兵討賊。守睢

陽。相持久之。城內糧儲告匱。士多餓死。存者皆痍傷。

氣乏。巡出愛妾曰。諸君經年乏食。而忠義不少衰。吾恨不割肌以啖眾。寧惜一妾而坐視士飢。乃殺以大饗。坐者皆泣。巡強令食之。賊探知糧盡援絕。圍益急。眾欲東奔。巡議以睢陽。江淮保障也。若棄之。賊乘勝鼓而南。江淮必亡。賊攻城。士病不能戰。巡西向拜曰。孤城備竭。弗能全。臣生不能報陛下。死爲鬼以癘賊。城隨陷。巡被執。割心剖肌。慘毒備盡。年四十九。宣宗大中時。嚙圖像於凌煙閣。睢陽至今祠享。

辨按張巡一生事實。戰功卓著。尚非人所難及。惟

殺妾饗士一節。

見上本張

乃史冊所僅見。然殘忍拂性。

莫此爲甚。迨孤城將陷。自度不免。猥曰死當爲鬼。以癘賊人。遂附會其說。謂其能逐癘疫。浪擲金錢。鋪張華飾。昇像通衢。此亦好事者斂財故智耳。觀趙甌北一詩。形容逼肖。已可得其謬妄之概。予又何必多辯哉。

蔣相公

〔引〕重增搜神記載蔣相公杭州府屬人。生宋建炎間。

高宗

樂施賑。每秋成。糴穀預儲。貴則賤糶。歲歉且捐。

予飢者。死之日。囑其二弟曰。須存仁心。力行好事。死後里人相與塑像。報其仁心。如有所求。靈應如響。咸淳初。宋度宗賜廟額曰廣福。六年。陞封神。及二弟皆列侯。曰孚順。字應。字祐侯。

〔辨〕按蔣相公亦不過一富家翁。勉效解推故事。觀

其臨終遺囑。亦是人之常情。所謂人之將死。其言

善也。里人塑像。如謂念其恩澤。意猶有屬。至謂能
所求輒應。但旣撒手。冥逝。何能應人所求。再行施
與哉。



溫元帥

〔引〕重增搜神記載帥姓溫名瓊字子玉浙江溫州人。

父望業儒無嗣。率妻張氏禱於后土。夜夢金甲神持巨斧。手持明珠一顆。以惠張氏。云我乃六甲之神。

見集

說詮真六

玉帝

見集說詮真六十一張

之將欲寄母胎託質爲

人。母能允否。張氏諾曰。女流無識。聖賢顯萃。何敢方

命。其神委珠於懷。張氏醒因而含靈。一十二月。漢順

帝漢安元年。讖五月五日。帥誕生。幼而神明。十歲通

儒經。傳子史天文等書。年十九。應試。未中。選二十六。

明經射策亦不中。嘆曰。男子漢。生不能致君澤民。死當助帝誅奸滅邪。以伸吾志。忽見蒼龍墮珠於前。俯拾而含之。流於腹。蒼龍奮舞。帥扯爲環。繞尾於手。突幻變面青。髮赤藍。身猱猛。泰山君聞其威猛。召爲佐。嶽之神。玉帝敕封爲亢金大神。又封爲翼靈昭武將軍。眾神之宗。嶽班之首。累朝封爵。血食溫州。

辨按溫元帥稱爲六甲神。投胎爲人。殊屬誕妄。至其生前。以空疏下第。終身潦倒。乃誑言死後誅滅

奸邪。冀爲惡鬼以自雄。蓋亦一妄人也。所稱泰山

君召之。玉帝封之。無理取鬧。至斯而極。惑其說者。仍堅信不悟。何夢夢若此。





五代元帥 雷海青

引閩雜記

載福州

府屬福州

俗敬祀五代元帥。或塑像。或

畫像。皆作白皙少年。額上畫一蟹頭。左右插柳枝。或插兩雉尾。侍者男女四人。分執琵琶三弦。胡琴鼓板。相傳神五代時人。在塾讀書。一日午睡。同輩戲爲作此形。及醒。恚甚。遂不食。死。而爲神。甚威厲。常降童。

按閩雜記降童。卽降神也。閩俗又謂之打童。巫者以紅布抹額。踞高座。禱者焚香然燭。跪拜於下。少頃。巫起舞。散髮目瞪。則神來矣。左右二人。急挾持之。隨自以小刀割舌。噴血作符。焚室四方。憑人所問。信口作答語。皆不甚明了。左右二人。代爲傳述。無敢稍忤者。或並傳其姓名。俗

但稱五代元帥。疑卽興泉

興化府泉州府但屬福建

所祀雷海青

也。閩音蟹與海近。柳枝則寓青字。本樂工。故侍者皆

執樂器。興化俗又稱元帥。遂附會此說耳。海青罵賊

而死。廟食後世。亦其所宜。

按閩雜記福建興化泉州等處皆有唐樂工雷海青

廟在興化者。俗呼元帥廟。有碑記唐肅宗時。追封大帝侍卿。宋高宗時。加大元帥。此不見傳載。殆里俗附會之說。在泉州者。俗稱相公廟。凡嬰孩瘡癩。輒禱之。上元前後。香火尤盛。

辨按俗敬之五代元帥。係當時邨塾兒童。被同輩

戲弄。恚怒而死。

見上本張

據理審之。有何可敬。况其絕

粒白盡。祇緣額被繪蟹頭。插柳枝。今乃追肖其像。

仍觸前忌。既敬之。何又侮之耶。

按五代元帥或謂係唐樂工雷海青。凡嬰孩患瘡。

輒禱之。

見上十
六張

海青何人。死後而能醫治兒疾耶。

想亦同隸樂籍者。附會是說。尊其族類耳。蓋世固
有敬其同業而無所不至者。如文海披沙曰。爲盜。

者。祭柳跖。

按莊子柳下惠之弟。名盜跖。從卒九千
人。橫行天下。侵暴諸侯。驅人牛馬。取人

婦女。所過之邑。萬民苦之。孔子偕顏淵子貢往太
山之陽。見而說之。跖大怒曰。此夫魯國之巧僞孔

曰。非耶。爾作言造語。妄稱文武。以迷惑天下之主。
而欲求富貴焉。盜莫大於子。天下何故不謂子盜

曰。而謂我盜跖。子自謂聖人耶。詐巧虛僞。奚足信
哉。孔子歸。語人曰。曰。所謂無病而自灸也。跖之徒

嘗問於跖曰。盜亦有道乎。跖曰。何適而無道耶。入先勇也。出後義也。知可不智也。分均仁也。五者不備。而能成大盜。屠者祭樊噲。按史記樊噲沛人。起者。未之有也。自屠狗。從漢高祖。喇

滅項羽。封舞陽侯。○又如兩般秋雨盦隨筆曰。杭

州府屬清泰門外。有時遷。按水滸傳。巧賊時遷。山

飛簷走壁。剪絡脰篋。廟凡行竊者。多祭之。濟寧州

刺有宋江。按水滸傳。盜魁宋江。字公明。山東曹州

○按通鑑綱目。宋徽宗宣和三年。睢淮南盜宋江。

橫行河朔。轉掠十郡。官軍莫敢櫻其鋒。州牧張叔

夜募死士千人。擒廟為盜者。嘗私祈焉。汲縣屬河

其副賊。江乃降。廟為盜者。嘗私祈焉。汲縣屬河

輝有紂王廟。凡龍陽。按戰國策。龍陽戰國時美男

子。為魏王所嬖。○今之變童

戲曰。俗稱
曰龍陽。

胥禱於是據此盜竊荒淫者流猶有同
類敬之則今敬奉海青較諸妄禱盜跖時遷宋江
輩雖似稍勝一籌究亦荒幻不經耳。



藥王

引清嘉錄載四月二十八日爲藥王生日。醫士備分

燒香。駢集於三皇廟。又有藥王廟。誕日。藥市中人擊

牲設醴以祝嘏。案沈汾續神仙傳。藥王姓韋名古。道

號歸藏。西域天竺人。開元二十五年。唐玄宗入京師。紗

巾毳袍。杖履而行。腰繫葫蘆數十。廣施藥餌。療人多

效。帝召入宮。圖其形。賜號藥王。又韓無咎桐陰舊話

引列仙傳。唐武后朝。朝。韋善俊。京兆陝西人。長齋

奉道。常攜黑犬。名烏龍。世俗謂之藥王。按桐陰舊話

韓忠獻億年

六七歲病甚。忽若張口飲藥狀。日有道士牽犬以藥飼我。俄汗而愈。因畫像以祀之。○按宋史韓億字宗魏。直隸真定府靈壽縣人。舉進士。仕宋真宗朝。以太子少傅致仕卒。諡忠獻。世謂桐樹韓家。蓋門有桐人因名之。又高士奇扈從西巡日錄云。藥王廟專祠扁鵲。按史記測議扁鵲。鄒人。姓秦。名越人。又家於盧國。因名盧醫。遇神人長桑君。授以藥。令調露水服之。三十日。當見鬼物。又取禁方書。悉與之。忽不見。扁鵲如言飲藥。三十日。卽通神。能隔牆見人。視病見五臟癥結。晉定公十一年。悅趙簡子疾。五日不知人。召扁鵲入視。二日半後。簡子寤。賜田四萬畝。秦太醫令李醯自知伎不如扁鵲。使人刺殺之。鄒縣今直隸河間府任邱縣。○按尚友錄。盧國人。姓扁。名鵲。○按四書字詁。盧國今山東濟南府長清縣西南二十五里。

四月二十八日。賀藥王生日。

蘇州府志云。醫學有藥王廟。舊稱三皇廟。祀伏羲神。

農黃帝。後並祀夏禹。康熙三十年。知府盧騰龍請以

岐伯伯高鬼與區少俞少師雷公配祀。

按輟耕錄岐伯等六人俱

係三皇時良醫。

改名醫王廟。俗傳四月二十八日之辰。乃是

扁鵲誕降之日。吳人不察。相沿爲三皇生辰。不亦謬與。

閩雜記載

福州

府屬福建

于山有藥王菩薩廟。或以爲卽

扁鵲。故亦稱盧醫廟。按天中記引唐本草序藥王菩

薩。姓韋。名古。字老師。疏勒國得道人也。常身被毳袍。腰懸數十葫蘆。頭戴紗巾。手持藜杖。往來城野。以一

黑犬自隨。開元

唐立宗

中。疾沴盛行。醫治輒效。朝野崇

敬。稱爲藥王菩薩。或傳其年已五百餘矣。又引神仙傳言自堯舜至唐。凡五度化身救世。其後黑犬化爲黑龍。負以升天。今廟中像有二。在上者草衣卉服。跣足。科頭。腰間亦懸葫蘆。在下者巾服如漢唐人。或謂在下者卽扁鵲。在上者乃神農也。恐非。當時建廟。旣稱藥王菩薩。當卽前二書所云者。惟異其巾袍。故誤耳。

辨按今俗所奉之藥王。或爲韋古。或爲韋善俊。或

爲扁鵲。或爲伏羲神農黃帝。

見上十張

夫韋古韋善

俊俱係仙傳所載。無稽荒唐。不問可知。况像祀善俊由於童穉之幻夢。更屬不經。若扁鵲雖稱周季名醫。但其詭遇神人。授以禁方。能通神見鬼。隔墻見人。見上十張種種謊說。旣無足道。敬之何益。至伏羲神農黃帝。因教人養生。稱爲先醫。蓋思所以能教人者。乃上主特隆賦畀乎。則敬崇上主。當爲先務。徒奉先醫。抑末也。

按藥王菩薩。或謂五百餘歲。或稱五度化身。或塑

以毳袍紗巾懸瓠持杖。或像以草衣卉服。跣足科

頭。

見上二
十張

種種誕妄飾奇。要不離乎僧道之附會

翻新而已。兩般秋雨盃隨筆曰。

高宗

乾隆

御製詩

御史有以沙汰僧道爲請者。朕謂沙汰何難。卽盡去之。不過一紙之頒。天下有不奉行者乎。但今之

僧道實不比昔日之橫恣。有賴於儒氏辭而闕之。

蓋彼教已式微矣。且藉以養流民。分田授井之制。

旣不可行。將此數千百萬無衣無食遊手好閒之

人置之何處。故爲詩以見意云。頽波日下豈能迴。

二氏於今亦可哀何必闢邪猶泥古留資畫景與
詩材大哉王言足以遏邪說而息迂談矣是僧
道俱係遊手好閒之人既無材藝可資溫飽於是
臆造詭誕誘人施捨亦勢所必然無足深怪惟被
其惑者今古同揆賢者或猶不免良可嘆已



瘟神

引重增搜神記載隋文帝開皇十一年。六月內有五力士。現於凌空。身披五色袍。各執一物。一人執杓。子并罐子。一人執皮袋并劍。一人執扇。一人執鎚。一人執火壺。帝問太史張居仁曰。此何神。主何災福也。居仁奏曰。此是五方力士。在天爲五鬼。在地爲五瘟。名曰春瘟張元伯。夏瘟鄉元達。秋瘟趙公明。冬瘟鍾仕貴。總管中瘟史文業。如現之者。主國民有瘟疫之疾。此天行四時病也。帝曰。何以治之。庶得免患。居仁

曰。此行病者。乃天之降災。無法治之。是年國人病死者甚眾。帝乃立祠。六月二十七日。詔封五方力士爲將軍。青袍力士爲顯聖將軍。紅袍力士爲顯應將軍。白袍力士爲感應將軍。黑袍力士爲感成將軍。黃袍力士爲感威將軍。隋唐皆以五月五日祭之。後匡阜真人遊至此祠。卽收伏五瘟神爲部將云。

封神演義載姜子牙敕封呂嶽主掌瘟癘。率領瘟部正神。東方行瘟使者周信。南方行瘟使者李奇。西方行瘟使者朱天麟。北方行瘟使者楊文輝。

辨按隋文帝見五力士。現於凌空。張居仁指爲主

疫之張元伯等。見上二張試問張元伯等。繫何人耶。

其主掌疫癘。孰使之耶。一經究詰。必爲語塞。則相

率敬奉者。亦妄甚矣。至姜子牙。敕封呂岳等爲瘟

神。見上二張同一幻妄。不足辨也。

按夷堅志張子智貴謨知常州。府屬江蘇慶元乙卯。宋寧

宗元年。春夏間。疫氣大作。民疾者十室而九。張多治

善藥。分諸坊。曲散給。而求者絕少。頗以爲疑。詢於

郡士。皆云。以嶽祠中有瘟神。四巫執其柄。凡有疾

者必使來禱。戒令不得服藥。故雖府中給施而不
敢請。張心殊不平。他日至嶽祠。指其中像。袞冕者
問爲何神。巫對曰。太歲靈君也。又指左右數像。或
驚足。或怒目。或戟手。曰。此何物。曰。瘟司神也。張拘
四巫還府。而選二十健卒。飲以酒。使往擊碎諸像。
毀其屋爲平地。并將巫者杖而逐之。民意張且貽
奇譴。然民病益瘳。習俗稍革。未終更召入爲吏部
郎中。據此染疾服藥。人盡知之。而巫者惟利是圖。
誘人禱祀。阻人醫治。詎禱祀雖虔。終無一效。是但

求肥已而不顧人身命。居心險惡。真堪痛恨。逮張
守毀祠逐巫。而民病頓瘳。尤足證瘟神之荒幻已。





羅神 眼目司 明目侯

引華亭縣志

載明嘉靖

世宗

閒御史馮恩戍雷陽

廣東雷州

府

時有羅氏兄弟五人橫肆鄉曲忽一日各悔悟自

經及恩歸忠目皆感神入夢而痊因於宅旁建廟郡

中有目疾者輒禱之

按明史馮恩字子仁江蘇松江府華亭縣人世宗嘉靖五年

進士擢南京御史上疏備指大臣邪正獲罪遣戍廣東雷州越六年遇赦還家居專爲德於鄉年八十一卒。

辨

按羅氏兄弟肆擾鄉曲後悔自經其知過雖堪

嘉尙而輕生究無足道祇以偶一幻夢遂奉爲眼

目司明目侯不亦惑哉。



黃道婆

引輟耕錄載閩廣多種木綿紡績爲布名曰吉貝松

江府東去五十里許曰烏泥涇其地土田磽瘠民食不給因謀樹藝以資生業遂覓種於彼初無踏車椎弓之製率用手剖去子線弦竹弧置椌閒振掉成劑

厥功甚艱國初

元朝

有一嫗名黃道婆者自崖州

屬

刺瓊州府

來乃教以做造捍彈紡織之具至於錯紗配色

綜綫挈花各有其法以故織成被褥帶幌其上折枝團鳳棋局字樣粲然若寫人既受教競相作爲轉貨

他郡家既就殷。未幾嫗卒。莫不感恩灑泣而共葬之。又爲立祠。歲時享焉。

松江府志載上海西南烏泥涇鎮。故有道德婆祠。道德婆

姓黃。本鎮人。初淪落厓州。

卽崖州屬廣刺瓊州府

元元貞

成宗

閒。附海舶歸。攜閩廣木棉種之。紡織爲布。教他姓婦女不倦。利被一鄉。及卒。鄉長者趙如娃立祠奉之。

辨

按黃道德婆攜來棉種。教人栽織。死後。人爲之立

祠。或亦報賽先棉之意歟。顧陔餘叢考曰。瑯邪代

醉編。謂棉花乃番使黃始所傳。今廣東人立祠祀。

之蓋其種本來自外番先傳於粵繼及於閩元初
始至江南而江南又始於松江據是番使黃始又
爲道婆之先棉而黃始亦自有其先棉噫大造資
生萬物人偏忘之邨嫗創始一隅人便感之務未
忘本良可痛惜



陳夫人

引閩雜記曰。陳夫人亦稱臨水夫人。閩中各郡縣皆有廟。婦人奉祀尤謹。梁蒞林退庵隨筆載夫人名靖

姑古田縣

屬福建福州府

臨水鄉人。閩王鱗時

按五代史王鱗初名延鈞。

據福建後唐明宗封鱗爲閩王。鱗好鬼神道家之

說。道士陳守元以左道見信。建寶皇宮以居之。守元

謂鱗當爲六十年天子。後爲大羅仙人。鱗因稱

帝。受冊於寶皇國號閩。建元龍啟。立十年見弒。夫人

兄守元有左道。隱居山中。夫人常餉之。遂受祕籙符

篆。役使鬼神。曾至永福。

縣屬福建福州府 誅白蛇怪。鱗封爲

順懿夫人。後逃處海上。不知所終。謝金鑾臺灣縣志

又云。夫人名進姑。福州人。陳昌女。唐大曆二年。

代宗

生。嫁劉杞。孕數月。會大旱。脫胎祈雨。尋卒。年祇二十。

四。卒時。自言。吾死必爲神。救人產難。建寧。

府屬

陳清

叟子婦。孕七月不娩。神見形。療之。產蛇數斗。古田。

臨水鄉。有白蛇洞。吐氣爲疫癘。一日鄉人見朱衣人。

仗劍斬蛇。語之曰。我江南下渡。陳昌女也。言訖不見。

乃立廟於洞側。自後靈蹟甚著。宋淳祐

理宗

中。封崇

福昭惠慈濟夫人。賜額順懿。後又加封天仙聖母。青

靈普化碧霞元君。此說多本書坊所刊。陳進姑傳。如

建寧陳清叟事。據建寧志。宋時浦城

縣屬福建建寧府

徐清

叟子。婦產難。夫人幻形救之。謝之不受。問其姓名。里居。但曰古田人。陳姓。後徐知福州。令人至古田訪之。見廟中像。始悟爲夫人。幻身。乃請於朝。加贈封號。今婦人臨蓐。必供夫人像室中。至洗兒日。始拜謝而焚之。與此說亦不同。若書坊所刊傳。尤多誕妄。如云夫人七歲被風攝去。至十三歲。道成始歸。嫁同里黃姓。助王鏐用兵。及斬長坑鬼。收石峽怪等事。事旣不典。言亦無文。或乃據之以爲廟中楹帖。殊可笑也。

辨按陳夫人來歷。退庵隨筆謂係五代時之陳靖

姑。古田人。兄守元有左道靖姑得其祕籙符篆。能

役鬼神。戮蛇怪。後竄海上無下落。此一說也。**台灣**

縣志謂陳進姑係前唐時江南下渡人。嫁劉杞。適

懷妊。天旱墜胎。祈雨。尋卒。卒時自言沒必爲神。救

人產難。會陳清叟子婦久孕不娩。進姑見形療之。

產蛇數斗。又斬臨水鄉蛇怪以弭疫。此又一說也。

建寧志謂宋時浦城縣徐清叟子婦患產症。夫人

幻形拯之。并自言古田人陳姓云云。此又一說也。

見上二
十九張 參觀三說同異互見而其荒誕則無不同。

迨考諸情節。知陳夫人乃一女巫耳。當時好事者。以婦女易欺。故將救產之說。緣飾以歆之。遂有深信而固結不解者。宋世累加封贈。殆亦曲徇輿情之舉耳。豈可據爲定憑哉。



柏姬 白雞

引閩雜記曰。柏姬廟在省城。福建福州府城撫署東志言明

兵入閩。福建元守臣柏帖穆爾殉難。家人盡奔散。其

女獨自剄死。後人旌其所居。曰高節里。又爲女立廟。

曰柏姬。今訛爲白雞。或說女有所愛白雞。一日誤飛

入井。女救之。亦死井中。此最可笑。書坊所刊白雞傳

又云。唐毗時有白雞。年久得道。化爲女子。時方瘟疫。

製藥施捨。全活甚衆。後於白晝飛昇。故立廟祀之。是

亦齊東野語也。余施鴻保自謂也。鴻保號可齋。浙江杭州府錢塘縣人。咸豐八年著閩

綱

乙巳

道光二十五年

初來閩。嘗過廟。見座上供木刻白

雞神像。則垂幃不可見。讀東廟下碑。乃知爲柏姬之訛。碑文本作伯姬。今廟額作柏。似當從碑文爲是。元國語。柏伯本同。然人名如伯廓木耳伯顏等。皆作伯也。

辨

按柏姬乃元代福州守臣柏帖木耳之女。遇賊

自刎。而後人爲之立廟者。殆旌其烈耳。厥後誤爲白雞。遂附會爲女子見雞入井。殉身以救者。或捏稱爲實。係白雞化爲女子者。洵如施氏所謂齊東

野語已無庸辨。惟有竟塑白雞。儼然高供。人遂羅拜其前。尤可哂已。





七姑子

引閩雜記載**夷堅志**甲集丙集皆載汀州府屬七姑

子事。云是山鬼。城郭邑聚皆立其祠。其狀乃七婦人。

周密癸辛雜志亦載汀州貢院內有七姑子祠。云是

土神。今汀屬諸處皆有七聖宮。郡城中尤多。像亦作

七婦人。長祇尺許。或坐或立。奉祀甚謹。有謂卽明溪

莘七娘者。非也。唯諸書第載其異蹟。其由來則不可

考矣。

辨按七姑子或爲山鬼。或爲土神。其由來俱無從

考。則所稱異蹟。更不足道。然像之者。必七其數。而致人敬。豈謂多多益善耶。噫。



糊塗

引印雪軒隨筆載萬全縣

屬直隸宣化府

往北十里許有名

糊塗廟者不知所始或云縣與山右

山西

接壤廟祀晉

大夫狐突

按左傳狐突周襄王時爲晉大夫懷公

秦懷公執突曰子來則免對曰子之能仕父教之忠古之制也今臣之子名在重耳若又召之教之貳也淫刑以逞誰則無罪音之訛而爲此理或然也今之

臣聞命矣乃就死廟額則曰胡神其貌鬚蝟卷而狀獠惡絕類波斯胡

波斯國在印度之西

相傳七月朔爲神誕辰土人演劇酬神遠

近畢至男女焚香膜拜三四日乃已土人云神司雹

於此土稍慢之。則硬雨爲災。秋稼必受其害。故奉之不敢不虔。其說荒唐不足信。

辨

按糊塗卽狐突。不知何時傳訛。其廟額又爲胡

神。狀貌獠惡。無知小民。本未讀左氏春秋。至訛其音爲糊塗。世之好怪異者。往往終貽笑柄。此類是也。若土人謂稍慢之。則雨雹害稼。是又糊塗之說也。雨雹一事。斷非狐突所能擅主。廟曰糊塗。人遂糊塗信之。信之者。要亦惟糊塗人耳。况狀貌獠惡之神。人方鄙絕之不遑。胡爲敬事有加哉。

總管 利濟侯

引常熟縣志載利濟侯廟祀金昌及其子元七澱山

湖

按明一統志湖在江蘇松江府城西七十二里

人。歿皆爲神。元順帝至正

間。陰翊海運。俱封總管。

蘇州府志載總管汴

河南開封府

人。姓金。初有二十相公

名和。隨駕南渡。

按通鑑綱目宋高宗建炎三年。金人南侵。帝渡江南奔。由鎮江蘇州至

杭州。遂

僑於吳。沒而爲神。其子曰細第八爲太尉者。

理宗卽朝。嘗著靈異。遂封靈祐侯。靈祐之子名昌第

十四。初封總管。總管之子曰元七。總管元至正

順帝

間。陰翊海運。皆封爲總管。再進封昌爲洪濟侯。元七爲利濟侯。又有祀元王積翁。亦名總管。

柳南續筆曰。元_{一三三}官制。諸路設總管府。達魯花赤之

下。爲總管。總管之下。爲同知。治中。判官。散府。則達魯

花赤之下。置知府。或府尹。揚州_{府屬}杭州_{府屬}皆爲

上路。則有總管。而無知府。黃太冲云。今紹興_{府屬}杭

州多有總管廟。皆是昔守郡者之生祠也。吾_{王應奎自謂也}

應奎江蘇蘇州府常熟縣人。乾隆五年。著柳南續筆四卷。邑亦有

總管廟幾處。則屬之於金昌及其子元七。按邑志云。

神生澱山湖。父子沒皆爲神。元至元順帝間。陰翊海

運俱封。今職則是總管之稱。又非生前所授也。吾意本係守郡者之生祠。而後人或以金神附會之耳。

辨按今俗事之神。有名總管。或名利濟侯。其爲元代總管官員。抑係澱湖金昌父子。尙未確指何人。而乃羣相敬事。可謂胡鬧已極。其妄當不辯而知。至謂能陰翊海運。伊誰信之。



戚公子

引閩雜記載連江福清

兩縣俱屬福建福州府

宣德

縣屬福建宣德府

皆有戚公子廟。連江縣志言戚繼光

按明史繼光字元敬。世宗嘉靖

中。除浙江都司。嘉靖四十一年。倭犯福建。繼光奉檄往剿。大破之。平倭。由連江進兵

宣德。以其子爲先鋒。傳令回顧者斬。至白鶴嶺。其子

望見倭勢甚盛。勒馬回顧。將有所白。立斬以殉。戚止此子。倭平。後人哀之。故爲立廟。然不傳其名字。故皆但稱戚公子。

辨

按明將戚繼光軍令綦嚴。至手刃其子而不惜。

可謂公而忘私者矣。然戚公子爲犯令而死。當自
尤不暇。而閩人必爲之立廟者。蓋謂其父因平寇
衛民。竟立斬愛子。雖迫於一時軍令。其心亦必痛
子慘死。閩人欲曲慰其心。故有是舉。可見是廟之
建。本非令人禱禳也。

蛇王

〔引〕清嘉錄載四月十二日爲蛇王生日。進香者駢集

於婁門

江蘇蘇州府城東北門

內之廟。焚香乞符。歸粘戶牖。能

遠蛇毒。案錢希言獮園蛇王廟在婁門外葑門

江蘇蘇州

府城東南門

捕蛙者祭獻其中。廟旋廢。不知何年重建於

婁門內。祭賽者不獨捕蛙船矣。錢思元吳門補乘蛇

王廟。在婁門內。前殿塑蛇將軍。特假蛇耳。或相傳蛇

王爲方正學。正堪噴飯。

按明史方正學卽方孝孺。字希直。一字希古。浙江台州府

寧海縣人。太祖洪武二十五年。戮除漢中教授。蜀獻王聘爲世子師。尊以殊禮。名其讀書之廬曰正學。及

惠帝親卽位。召爲翰林侍講。明年遷侍講學士。建文四年。織成祖陷南京。惠帝自焚。成祖使孝孺草詔。孝孺投筆於地。且哭且罵。成祖怒。命磔諸市。○按勝國文徵。世傳方正學孝孺之祖葬時。其父夜夢老人告曰。族久居於此。幸待遷而發土。明日掘土。得蛇窟。而蛇不可數計。一時盡捶死。時正學之母有姪。見有黑氣一道入座。其後正學之滅族。以爲蛇托生而報之耳。又言先生之舌似蛇。尤可笑也。夫先生一死。令名千古。誅夷一節。反以爲蛇之報耶。

閩雜記載福建漳州府城南門外。有南臺廟。俗稱蛇王廟。其神乃一僧像。府志及龍溪縣志皆不載。不知其所自始。相傳城中人有被蛇噬者。詣廟訴之。其痛自止。隨有一蛇。或腰斷。路旁或首斷。在廟中階廡間。

俗謂蛇王治其罪也。惟林野間被噬者，訴之不驗。

辨

按蛇王或塑假蛇，或裝僧像，或卽爲明臣方正

學。夫蛇本蠢然一物，最爲人所憎惡，而謂臆造泥蛇能除活蛇毒螫，能乎否乎？若易其貌爲僧像，謂能處治蝮虺，豈知在生髮僧，尙無其能，而况死後泥形，反謂能之。有是理乎？倘謂蛇與僧之像，神實憑之，則且問其神，蛇耶僧耶，抑別爲一靈神耶？如曰蛇蓋謂蛇能成精，豈知昆虫水族本無靈性，僅具覺魂，其生也不能任行幻術，死則付諸消亡焉。

耳。如曰僧蓋謂能得道。抑知僧巫在生。僧自命爲

佛氏後人。然制治生類蛇虫。佛且不能擅主。

見前編四

十三 何論乎弟子耶。如或渾名之曰靈神。吾更問

其神爲正神耶。抑妖神耶。若正神則秉命上主。至

公至正。決不肯假手僧巫。貸其神能。若妖神則雖

能行妖術。佯爲利人。而其究必至害人。蓋鬼魔之

情性然也。此中審辨。斷難絲毫假借。其間妖幻。尤

不可妄致信從。至稱蛇王。係有明方孝孺。祇以其

父營葬。誅蛇。遽爾附會。污衊先賢。誠如清嘉錄言。

正堪噴飯。





青蛙神

〔引〕三岡識略載撫州金谿縣屬江西撫州府近郭有一蛙狀

貌極大。猙獰可畏。據土人云。自東晉時。卽見之。漸著靈異。商賈祭禱。獲利必倍。病者祀之。立差。邇來仕宦此地。亦必虔謁。因其號爲青蛙使者。其隱見無常。有終身不得一見。亦有一人屢遇者。夫蛙之爲物。最冥頑不靈。乃能歷千餘年。誕著詭異。至士大夫亦從而拜之。可恠也已。

印雪軒隨筆載杭州府屬崇奉青蛙神甚虔。祠中青

蛙神座高僅數寸。大不盈掌。凡神之遊人家。在杭州必具鼓樂送之歸。富者加以演劇。人家視神之色。以卜休咎。大抵黑則主凶。碧則主吉。恒一日數變。謂之換袍云。

閩雜記載浙江杭州府湧金門內金華將軍廟。本祀

吳越將曹杲。

按唐姓統譜曹杲直隸真定府人。仕吳越錢氏。勳爲金華令。平叛兵有功。擢守

婺。後錢氏入朝於宋。委以國事。杲卽城隅濬池。曰湧金。旣歿。民德之。立祠池上。俗亦僞爲青

蛙。福建延平府城東亦有青蛙廟。相傳神宅在府學

泮池旁。嘗降乩言本唐末武臣死黃巢之難者。按通鑑綱

目黃巢結黨起反。唐僖宗廣明元年十一月。其形陷東都洛陽。十二月陷西京長安。僖宗奔蜀。

時大時小。所至之家。必多喜慶。若止廟社官衙。亦主地方安穩。其止處喜高潔。尤喜在堂壁間。以淨器拜而延之。輒躍入正坐。嗜燒酒。注滿器中。少頃漸盡。兩頰有紅暈。則神醉矣。又嗜看戲。且能自點。以紅單書戲目。必周視。足蘸酒濺之。或一二齣。或三四齣。人謂多點。爲歆其祀也。一日蛙神出游。止鳳仙花葉上。見其身大如順康錢。謂蛙之大。如順治康熙制錢。背色綠潤。若可鑒。腰間金紋一縷。灼爍有光。腹下紅白色。目眶亦有金

圈睛如點漆。灼灼瞪視。掬置茶盃中。以蓋蓋之。旋視之。則盃空矣。人謂此青蛙將軍也。去來莫測。雖扁鐵匣。亦能自逸也。

聊齋志異載江漢之間。俗事蛙神最虔。祠中蛙不知幾百千萬。有大如籠者。蛙游几榻。甚或攀緣滑壁。不得墮。人恆斬牲禳禱之。楚有薛崑生者。幼慧。美姿容。六七歲時。有青衣媪至其家。自稱神使。願以女下嫁。崑生薛翁卻之。數年後。崑生在途。有使者迎往。入一朱門。樓閣華好。有叟坐堂上。類七八十歲人。崑生伏

謁。叟命曳起之。顧侍婢曰。入言薛郎至矣。數婢奔去。移時。一媪率女郎出。年十六七。叟指曰。此小女十娘。自謂與君可稱佳偶。崑生默然。媪曰。請先歸。當送十娘往也。崑生趨歸。輿亦隨至。青衣成羣。十娘入門。上堂拜翁姑。卽夕合卺。自婚於神門堂。藩溷皆蛙。人無敢詬蹴之。惟崑生任性踐斃。十娘憾。語侵崑生。崑生怒曰。丈夫何畏蛙也。十娘甚諱言蛙。聞之恚甚。而出怨言。崑生益憤。遂逐十娘。數年後。崑生頗自悔。十娘亦自返。由此崑生不作惡謔。於是情好益篤。居無何。

十娘臨蓐。一舉兩男。薛氏苗裔甚繁。人名之薛蛙子。家近人不敢呼。遠人呼之。

辨

按青蛙在金谿。則狀貌絕大。能令商賈經營順

利。病者弗藥而瘥。在延平。則其形僅如順康錢。嗜

看戲。并能自點戲目。主人家喜慶。地方安稔。見上四十

二張噫。昆虫之爲物也。冥頑無靈。人盡知之。乃謂青

蛙微虫。具知識。掌禍福。抑何不思之甚。至謂其幻

作女子。婚嫁生育。見上四十三張尤屬誕妄。無庸辨矣。

按柳南隨筆曰。今塑神像者。輒捕龜蛇鳥雀生納。

其腹意取生物之氣以爲土木靈性也。聞故明時。

無錫

縣屬江蘇常州府

東林書院塑龜山先生像。因一楊

樹去其上半中爲像。留其根以爲座。當時以先生

姓楊。故其像卽因楊樹。而又以先生號龜山。并納

龜於其腹。真兒戲矣。據此。世俗裝塑神像。將龜蛇

鳥雀。生納其腹。此種假借。雖屬不經。然敬之者。其

意猶注於所像之人。非於飛潛蠢物也。乃竟有見

一青蛙。遂下心低首。自忘其尊。豈不可笑。或謂蛙

雖微物。有武臣忠魂。憑附其間。故能通神。見上四十二張

然此說本於乩壇。亦何足信。况人家喜慶。地方安
稔。主斯二者。厥惟上主。非赳赳武夫。一經殉難。遂
能僭越也。人盍再三思之。



石敢當

引輟耕錄事物原會合載。按西漢史游急就章云。石敢當。顏師古注曰。衛有石碣。石買石惡。鄭有石制。皆爲石氏。周有石速。齊有石紛如。其後以命族。敢當所向無敵也。據此。則石敢當乃古人名。今於巷陌橋道之衝。立小石。鐫石敢當三字。以厭禳之。明陳氏繼儒羣碎錄五代漢劉智遠後漢主高祖時有勇士名石敢當。其慕古人名以自表見耶。抑卽其人與。又嘗按王象之輿地碑目云。宋仁宗慶厯中。張緯宰蒲

田縣屬福建興化府

得一石銘。其文曰。石敢當鎮百鬼。厭災

殃。官吏福。百姓康。風教盛。禮樂張。唐代宗大曆五年。
毗縣令鄭押字記。今用碑刻石敢當以鎮。卽此風也。

辨

按石敢當本係人名。取所向無敵之義。而今城

廂第宅。或適當巷陌橋道之衝。必植一小石。上鐫

石敢當三字。或又繪虎頭其上。或加泰山二字。名

曰石將軍。謂巷道之衝。有關凶煞。此石能厭禳之。

豈知巷道不能致殃。頑石焉能被禳。孟子曰。禍福

無不自己求之者。人亦勿以善小弗爲。惡小爲之。

庶幾災禍之來。自可邀免。片石之微。豈足恃哉。

按文海披沙。謂前代朝廷封爵有濫。及草木鳥獸。

無知之物者。如秦封松爲五大夫。漢官儀曰。秦始皇

疾風暴雨。賴得松樹。因覆其下。封爲五大夫。唐武后封柏爲五品大

夫。玄宗封白驪爲將軍。昭宗封猴爲供奉陳

暉封石爲三品。宋封烏馬爲龍驤將軍。封石爲

盤古侯。高齊後主壯馬及鷹犬。乃有儀同郡君之

號。鬪雞亦號開封。錢鏐吳越王號其幼所嘗戲大木

曰衣錦將軍。劉旻北漢主爲黃驢治廐。飾以金銀食

以三品料號自在將軍。據此。動植無靈之物。均加封贈。如騾馬號曰將軍。頑石封以品爵。可謂冒濫已極。等名器於弁髦矣。是前代之賜號封爵。未必名實悉稱。然猶施之於上也。而不謂今俗植立片石。卽尊之曰將軍。似編氓鋪戶。亦操錫予之權。荒幻之爲。將何底止耶。

掃晴娘

〔引〕陔餘叢考載吳俗雨後閨閣中有剪紙爲女形手持

一帚懸簷下以祈晴謂之掃晴娘按元初李俊民

按〔元史〕俊民字用章山西澤州府人金章宗承安中舉進士未幾棄官不仕隱於嵩山元世祖召之遽乞還山及卒賜諡莊靜先生有掃晴婦詩卷袖拳掌手持帚挂向

陰空便搖手其形可想見也俊民澤州人而所詠如此可見北省亦有此俗不獨江南爲然矣又其序云所以使民免乾溢之患則不獨祈晴又以之祈雨

〔辨〕按世俗剪紙爲女形手持一帚懸於簷下謂之

掃晴娘。是直以止雨放晴。責之寸紙。設或偶一巧
值。便其詫爲奇驗。何不察之甚耶。



牀神

〔引〕清嘉錄載薦茶酒饊果於寢室以祀牀神云祈終

歲安寢俗呼牀神爲牀公牀婆楊循吉除夜雜詠〔明〕

史循吉字君謙江蘇蘇州府吳縣人明憲宗成化二

十年進士授禮部主事好讀書每當得意處卽狂

舞不能自禁用云酌水祀牀公蓋今俗猶以酒祀牀

是得顛主事名母而以茶祀牀公謂母嗜酒公癖茶謂之男茶女酒

而魏嶠錢塘縣志亦載除夕用茶酒果餅祀牀神以

祈安寢杭俗祭牀神以上元

正月十日後一日品用煎

餅

辨按今俗以茶酒饀果祀牀公牀婆。祈終歲安寢。其風始於何時。無從考據。不知人欲安寢。但當心神恬靜。衾影無慚。故諺云。日間不作虧心事。夜半敲門不喫驚。則安寢與否。非牀神所能主也。然而眠牀臥榻。豈有式憑之神耶。

蕭王

〔引〕蘇州府志載蕭王廟在臥龍街樂橋上相傳橋近市曹戮人處以蕭何制律故祀之。

前漢書載蕭何沛

江蘇徐州府

人秦季爲沛主吏掾及高

祖起爲沛公何嘗爲丞督事沛公至咸陽諸將皆爭

走金帛財物之府分之何獨先入收秦丞相御史律

令圖書藏之沛公具知天下阨塞戶口多少彊弱處

民所疾苦者以何得秦圖書也漢王五年卽皇帝

位論功行封羣臣爭功歲餘不決上以何功最盛封

爲鄼侯功臣皆曰。臣等身被堅執兵。攻城略地。今蕭何未有汗馬之勞。徒持文墨。議論不戰。顧居臣等上。何也。上曰。諸君知獵乎。曰知之。知獵狗乎。曰知之。上曰。夫獵追殺獸者。狗也。而發縱指示獸處者。人也。今諸君徒能走得獸耳。功狗也。至如蕭何發縱指示功人也。上撓功臣。多封蕭何。初高祖入關。約法三章。曰殺人者死。傷人及盜抵罪。蠲削煩苛。兆民大悅。後以三章之法。不足以禦姦。相國蕭何擴摭秦法。取其宜於時者。作律九章。後何爲民請曰。長安地陜。上林中

多空地棄。願令民得入田。毋收橐爲獸食。上大怒曰。相國多受賈人財。爲請吾苑。乃下何廷尉。械繫之。數日。王衛尉侍諫。相國無罪。上使使持節赦出何。何爲家不治垣屋。曰。令後世賢師吾儉。不賢毋爲勢家所奪。孝惠二年。何薨。謚曰文終侯。

辨按太史公曰。蕭相國何。於秦時爲刀筆吏。錄錄未有奇節。及漢興。依日月之末光。何謹守管籥。因民之疾。奉法順流。與之更始。淮陰黥布。

按史記淮陰侯韓信

黥布。姓英氏。俱從漢高祖。定天下。後各以反誅。等皆以誅滅。而何之勲爛。

焉。位冠羣臣。聲施後世。與閔天散宜生等爭烈矣。是何固爲炎漢傑出之士。智於謀國。哲於自謀者矣。後世徒以其酌制律法。能詰暴禦奸。遂爲之立廟。不知律法。非創自蕭何。虞書曰。象以典刑。流宥五刑。夏書曰。不用命戮於社。是漢以前。刑法久立。而後人乃獨爲蕭何建廟。其何說之辭。如謂禱之可免刑戮。則尤爲愚夫之見已。

聖姑

引蘇州府志載盧志按唐人記聖姑姓李氏有道術。

能履水行。其夫殺之。自死至唐中葉。幾七百年。顏貌如生。儼然側臥。祈禱者。心有侮慢。風迴其船。無得達者。每日沐浴。妝飾。爲除爪甲。形質柔弱。只如熟睡。蓋得道者歟。辨疑志大曆中。

唐代宗

洞庭

山在蘇州城西太湖中

昇

姑寺。有昇姑廟。其棺柩在廟中。俗傳姑死數百年。其貌如生。遠近賽禱。歲獻衣服。妝粉不絕。其巫祕密。云不可就視。棺開。卽有風雨之變。里人敬事無敢窺者。

有李七郎荒狂不逞。率奴客啟棺。惟朽骨髑髏而已。

亦無風雨之變。續志舊傳晉王彪按晉書王彪字叔武年二十鬚髮皓

白。時人謂之王白鬚。仕東晉穆帝永和朝。孝武帝太元二年。卒。有二女。長號聖姑。

次素姑。常著柘木屐子。涉水而行。衣不沾溼。人以為

神。遂立廟。

辨按聖姑亦稱昇姑。相傳為李氏女。一說作王氏

女。俱能飛行水面。巫僧匿其棺。謂姑死數百年。迄

今猶顏色如生。仍須飾首除爪。他人不得窺伺。偷

覷之。風雨立變。會有李七郎者。素不羈。一日率奴

客突入廟。搜而視之。惟見朽骨髑髏。而風雨之變亦不驗。據是。則附會聖姑諸說。得李郎猝發其覆。洵稱快事。而巫祝之詭祕。亦昭然若揭。况聖姑被夫殺死。巫者飾以蹈水。故識者謂蹈水一事。斷不能觸夫盛怒。遽刃室人。恐其間別有因耶。



歷代永統紀年表圖例言

司鐸黃伯祿斐默氏編

一。永統紀年表者。遵歷代年表。并竹書紀年。以黃帝為始。卽以黃帝元年為永統之初年。自黃帝至明末。按通鑑編年。共計四千三百四十載。依次編屬。合為一永統。蓋考自黃帝至舜。賢賢繼統者七帝。自夏后氏家天下以來。其一統者十二。偏安者十二。割據者三十有六。錯綜其閒。各以興朝興國之始為元年。且有紀元。一帝數易。如欲核某朝某國。

與何朝何國同時。或某朝某國某元。與某朝某國某元相隔若干年。俱難立時核計。故將賢繼七帝。一統偏安二十四朝。割據三十六國。合以永統編之。則核計當較易耳。

一。各朝各國始末。悉照歷代年表。按通鑑編年。列以永統。標於圖額第二格。合西歷紀年。附於圖末第一格。

一。自黃帝至周宣王。按竹書紀年。較通鑑編年。少二百零六載。茲又按竹書編以永統。標於圖額第一

格。合西歷紀年。附於圖末第二格。

一。賢繼者七帝。曰黃帝。曰少昊。曰顓頊。曰嚳。曰堯。曰舜。是也。

一。一統者十二。曰夏。曰商。曰周。列國附曰秦。曰兩漢。曰

西晉。曰隋。曰前唐。曰趙宋。曰元。曰明。是也。

一。偏安者十二。曰蜀漢。曰東晉。曰劉宋。曰南齊。曰南梁。或蕭梁。曰陳。曰後梁。曰後唐。曰後晉。曰後漢。曰後周。曰南宋。是也。

一。割據者三十六。蜀漢時。曰曹魏。曰孫吳。晉宋閒十

六國曰二趙

前趙。初曰北漢。後趙。冉魏附。

曰三秦

前秦。後秦。西秦。

曰五

涼

前涼。後涼。南涼。北涼。西涼。

曰四燕

前燕。後燕。北燕。南燕。西燕附。

曰成。曰赫

連夏。北朝曰元魏

代附。

曰東魏。曰西魏。曰北齊。曰北

周五代時十國曰楊吳

亦曰淮南。

曰南唐。曰前蜀

亦曰西蜀。

曰後蜀

亦曰西川。

曰南漢

初曰嶺南。

曰北漢。曰馬楚。曰吳越

曰閩。曰荆南

亦曰南平。

兩宋時曰遼。曰西夏。曰金。是也。

一。正統諸朝。標以粗線。割據諸國。別以細線。建國在

正統前者。亦誌以細線。如秦國是也。

一。禪授禪也。如堯禪舜是也。

一。亡滅亡也。如夏之滅亡於商是也。

一。分一國分爲二也。如東漢續於蜀漢而分於曹魏是也。

一。凡續統仍列原格。如東漢續西漢。蜀漢續東漢是也。

一。凡國更易新號仍列原格。如北漢改號前趙是也。


一。凡國繼替仍用勝國名號亦列原格。如姜齊田齊高雲北燕馮跋北燕是也。

一。凡朝號國名有相同者則加以姓氏別之。如劉宋

趙宋赫連夏揚吳是也。



大清萬曆年 皇朝 康熙 乾隆 嘉慶 道光 咸豐 同治 光緒 宣統



大清萬曆年 皇朝 康熙 乾隆 嘉慶 道光 咸豐 同治 光緒 宣統

